

Gelongsoran tanah baharu di lokasi sama

15 rumah diarah dikosongkan, penduduk diminta berpindah

Oleh Nor Azizah Mokhtar
bhnews@bh.com.my

Kuala Lumpur: Satu kejadian gelongsoran tanah baharu, berlaku di kawasan tanah runtuh dekat Taman Bukit Permai 2 di Ampang Jaya malam tadi, walaupun tidak membabitkan sebarang kesan serius.

Ketua Polis Daerah Ampang Jaya, Asisten Komisioner Mohammad Farouk berkata, polis dan Majlis Perbandaran Ampang Jaya (MPAJ) mengadakan rundingan

agak besar itu dikesan berlaku kira-kira jam 7 malam kelmarin.

“Kejadian berlaku di lokasi sama tanah runtuh pada Khamis lalu, namun tidak membabitkan sebarang kemalangan atau kemusnahan harta benda.

“Bagaimanapun, kejadian terbaru ini dikhawatir memberi kesan kepada satu deretan kediaman di Taman Bukit Permai yang terletak di atas bukit dan berada hampir dengan kawasan tanah yang runtuh.

“Kajian Jabatan Mineral dan Geosains (JMG) mendapati kedudukan tanah tidak stabil dan boleh menjelaskan keselamatan penduduk di situ,” katanya kepada BH, semalam.

Susulan kejadian itu, Mohammad Farouk berkata, polis dan Majlis Perbandaran Ampang Jaya (MPAJ) mengadakan rundingan



Keadaan tanah runtuh terbaru di Taman Bukit Permai 2, Ampang, semalam

(Foto Eizairi Shamsudin/BH)

dengan penduduk sebelum memutuskan 15 rumah di situ, diarah dikosongkan dan penduduk berpindah sementara untuk keselamatan mereka.

Tambahnya, ujian kajian kestabilan tanah pada masa ini masih dijalankan oleh pasukan teknikal terdiri daripada Jabatan Kerja Raya (JKR), Institut Kerja Raya Malaysia (IKRAM), JMG dan MPAJ.

Sementara itu, Pegawai Daerah Hulu Langat, Dr Ani Ahmad, memaklumkan satu pusat pemindahan sementara (PPS) dibuka di

Dewan MPAJ Cheras Baru, malam kelmarin sebagai langkah awal membantu penduduk di Jalan Permai 1, Taman Bukit Permai yang diarahkan berpindah.

“Bagaimanapun, setakat ini Jabatan Kebajikan Masyarakat (JKM) memaklumkan belum ada penduduk yang mendaftar untuk menginap di PPS yang dibuka itu.

“Mungkin pada peringkat ini mereka memilih untuk menginap di hotel atau menumpang kediaman rakan dan keluarga, namun PPS itu akan terus be-

roperasi dan menerima kemasukan penduduk,” katanya.

Dr Ani yang juga Pengurus Jawatankuasa Bencana Daerah Hulu Langat, berkata sebarang bentuk tindakan lanjut membabitkan kejadian tanah runtuh di Taman Bukit Permai dan Taman Bukit Permai 2 itu, akan dibincangkan hari ini.

“Laporan oleh pasukan teknikal mengenai keselamatan cerun dan kestabilan tanah di lokasi kejadian akan dibentangkan esok (hari ini) oleh agensi teknikal berkaitan,” katanya.